



Vogošća, ul. Jošanička, br. 80; tel: 00387 33 586 413, fax: 586 418

Broj: 07-14-1713/17
Vogošća, 25.12.2017. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 25.12.2017. godine donio je

ODLUKU

O IZBORU NAJPOVOLJNIJEG PONUĐAČA ZA PRUŽANJE USLUGE IZRADE IZVEDBENOG PROJEKTA IZGRADNJE PJEŠAČKIH STAZA, PARKINGA I URBANOG MOBILIJARA U ULICAMA VOGOŠĆANSKIH ODREDA, BRANILACA VIJENCA, SPASOJE BLAGOVČANINA I MERZUKA FERIZA (PREMA DEFINISANOM OBUHVATU) NA PODRUČJU OPĆINE VOGOŠĆA

Član 1.

Ponuda ponuđača "SARAJ INŽENJERING" d.o.o. Sarajevo, ulica Zmaja od Bosne broj 7. Sarajevo, odabrana je za pružanje usluge izrade Izvedbenog projekta izgradnje pješačkih staza, parkinga i urbanog mobilijara u ulicama Vogošćanskih odreda, Branilaca vijenca, Spasoje Blagovčanina i Merzuka Feriza (prema definisanom obuhvatu) na području općine Vogošća, kao najpovoljnija ponuda po kriteriju najniže cijene, sa ukupnom cijenom nabavke u iznosu od 11.070,00 KM bez uračunatog PDV-a, odnosno 12.951,90 KM sa uračunatim PDV-om.

Član 2.

Ovom Odlukom stavlja se van snage Odluka o izboru najpovoljnijeg ponuđača broj: 07-14-1713/17 od 31.10.2017. godine za pružanje usluge izrade Izvedbenog projekta izgradnje pješačkih staza, parkinga i urbanog mobilijara u ulicama Vogošćanskih odreda, Branilaca vijenca, Spasoje Blagovčanina i Merzuka Feriza (prema definisanom obuhvatu) na području općine Vogošća.

Član 3.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

OBRAZLOŽENJE

Dana 31.10.2017. godine Općina Vogošća kao Ugovorni organ je donijela Odluku o izboru najpovoljnijeg ponuđača broj: 07-14-1713/17 kojom je kao najpovoljniju ponudu u postupku Konkurentskog zahtjeva za dostavu ponuda za pružanje usluge izrade Izvedbenog projekta izgradnje pješačkih staza, parkinga i urbanog mobilijara u ulicama Vogošćanskih odreda, Branilaca vijenca, Spasoje Blagovčanina i Merzuka Feriza (prema definisanom obuhvatu) na području općine Vogošća ocijenila ponudu ponuđača "Saraj inženjering" d.o.o. Sarajevo.

Na predmetnu Odluku izjavljena je žalba od strane ponuđača Institut za građevinarstvo "IG" d.o.o. Banja Luka dana 06.11.2017. godine.

Ured za razmatranje žalbi BiH-Filijala Mostar rješavajući po žalbi ponuđača Institut za građevinarstvo "IG" d.o.o. Banja Luka, donio je Rješenje broj: JN2-03-07-1-1217-9/17 od 23.11.2017. godine, kojim je od pet žalbenih navoda, jedan žalbeni navod prihvatio kao osnovan i

to da je Ugovorni organ bio dužan zatražiti obrazloženje neprirodno niske cijene ponude izabranog ponuđača, ako je cijena ponude za više od 20% niža od cijene drugorangirane prihvatljive ponude, a što je Ugovorni organ propustio da uradi, dok je ostale žalbene navode utvrdio kao neosnovane.

Rješenjem Ureda za razmatranje žalbi BiH-Filijala Mostar broj: JN2-03-07-1-1217-9/17 od 23.11.2017. godine žalba je usvojena kao djelimično osnovana i poništena je Odluka o izboru najpovoljnijeg ponuđača broj: 07-14-1713/17 od 31.10.2017. godine, kojom je Općina Vogošća kao najpovoljniju ponudu u postupku Konkurentskog zahtjeva za dostavu ponuda za pružanje usluge izrade Izvedbenog projekta izgradnje pješačkih staza, parkinga i urbanog mobilijara u ulicama Vogošćanskih odreda, Branilaca vijenca, Spasoje Blagovčanina i Merzuka Feriza (prema definisanom obuhvatu) na području općine Vogošća izabrala ponudu ponuđača "Saraj inženjering" d.o.o. Sarajevo.

Predmetnim Rješenjem je naloženo Ugovornom organu da u ponovljenom postupku zatraži pojašnjenje neprirodno niske cijene od izabranog ponuđača, te kad dobije pojašnjenje cijene, da donese Odluku u skladu sa Zakonom o javnim nabavkama.

Postupajući po uputama datim u Rješenju Ureda za razmatranje žalbi BiH-Filijala Mostar broj: JN2-03-07-1-1217-9/17 od 23.11.2017. godine, a sve u skladu sa članom 66. Zakona o javnim nabavkama BiH ("Službeni glasnik BiH", broj 39/14) i sa odredbama člana 17. stav 7. Uputstva za pripremu modela tenderske dokumentacije i ponuda ("Službeni glasnik BiH", broj 90/14 i 20/15) Komisija za javne nabavke je aktom broj: 07-14-1713/17 od 21.12.2017. godine zatražila pojašnjenje neprirodno niske cijene ponude ponuđača "Saraj inženjering" d.o.o. Sarajevo.

Ponuđač "Saraj inženjering" d.o.o. Sarajevo je svojim aktom broj: EA-899/17 od 22.12.2017. godine dostavio obrazloženje neprirodno niske cijene koje je Komisija za javne nabavke nakon detaljnog razmatranja jednoglasno prihvatila i uvažila, jer je iz istog utvrđeno da je ponuđač pismeno dostavio detaljne informacije o relevantnim sastavnim elementima ponude odnosno razloge za ponuđenu cijenu.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve Ugovornog organa tražene Tenderskom dokumentacijom, te izvršila računsku provjeru dostavljenih ponuda i utvrdila da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Nakon toga Komisija za javne nabavke je sačinila Rang listu u postupku javne nabavke pružanja usluge izrade Izvedbenog projekta izgradnje pješačkih staza, parkinga i urbanog mobilijara u ulicama Vogošćanskih odreda, Branilaca vijenca, Spasoje Blagovčanina i Merzuka Feriza (prema definisanom obuhvatu) na području općine Vogošća kako slijedi:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"SARAJ INŽENJERING" d.o.o. Sarajevo	11.070,00	/	/	12.951,90
2	INSTITUT ZA GRAĐEVINARSTVO "IG" d.o.o. Banja Luka	14.800,00	/	/	17.316,00
3	"GEOPUT" d.o.o. Banja Luka	16.640,00	/	/	19.468,80

Iz navedenih razloga, uvažavajući upute od strane Ureda za razmatranje žalbi BiH-Filijala Mostar date kroz Rješenje broj: JN2-03-07-1-1217-9/17 od 23.11.2017. godine, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Saraj inženjering" d.o.o. Sarajevo, za pružanje usluge izrade Izvedbenog projekta izgradnje pješačkih staza, parkinga i urbanog mobilijara u ulicama Vogošćanskih odreda, Branilaca vijenca, Spasoje Blagovčanina i Merzuka Feriza (prema definisanom obuhvatu) na području općine Vogošća, sa ukupnom cijenom nabavke u iznosu od 11.070,00 KM bez uračunatog PDV-a, odnosno 12.951,90 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od pet dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

1. "GEOPUT" d.o.o. Banja Luka	051/461-922
2. "INSTITUT ZA GRAĐEVINARSTVO "IG" d.o.o. Banja Luka	051/348-372
3. "SARAJ INŽENJERING" d.o.o. Sarajevo	033/592-450
4. Nadležnoj Službi	
5. U dosije	
6. a/a	

OPĆINSKI NAČELNIK


EDIN SMAJIĆ